

## No. 457. 1417. 12. März.

*Burggraf Heinrich zu Meissen eignet dem Kloster zum heil. Kreuze und der Stiftskirche U. L. Frauen zu Wurzen Geldzinsen zu Kleinthiemig bei Grossenhain.*

In deme namen der heiligen vngesundirtin dryualdekeit ꝛc. — Hirvmbe wir Heinrich von gottis gnaden, des heyligen Romischin riches burcgraue zcu Mießin vnd graue zcum Hartinsteyn bekennen — das wir — durch sundirlichir gunst der erbir gestifte des cloesters zcum heyligen Crützen bie Mießin gelegin sente Benedicten ordins vnd der kirchin der egenantin vnsir liebim frauwen zcu Wurzin vnd capitels doselbist geeygint habin vnd zcu eygen gebin vnd eygin myt kraft dißes briefes funftehalb schog groschin vnd sechs hellere rechtis ewigis erbezinsis guter Fribergischer müntze gelegin in deme dorffe Tymenk<sup>a)</sup> genant, yn dem gerichte vnd gebiete zcum Hayn; die egnanten czinse vnd hirnoch baes benümet had gekouft der ersame Hans Lyndeman bürger zcu Dresden vor czwey vnd söbinczig schok großschin guter Fribergischer müntze, die do machin hundirt vnd achzig Vngerische guldin, wedir die erbir frauwe Alezen Langeschriberynnen bürgerynnen zcum Hayn, die vns die genanten czinnse willeglichin vnd vnbetwungen had vff gelaßen in unsir hand, die wir ouch habin erblichin gelegin dem vorgebant Hannße Lyndeman, dorch des bethe wille wir ouch dys eygen gethan habin vnd thun myt kraft dißes briefis; die selbigen czinse reichin vnd tzinsen sullen die ernoch geschrebin lüthe jerlichen, besicczere der gutere zcu Tymenk vnd alle yre nochkomelinge von eylftehalbir hufen landis, von dryen garten vnd von eyne gute, das eczwanne der von Waldow ist gewest, vff sülche tagezeit alze ernoch geschrebin stehit: Hans Richter czu der cziet dryßig groschin von andirhalbin hufin, Petir Kramer söbinczen großschin von eyner hufin, Syfrid söbinczen großschin von eyner hufen vnd von eyner halbin hufin acht groschin, Mertin Obegow eynenzwenzig groschin von eyner halbin hufin vnd achtezen hellere von eynem gartin, Hans Wyndische vierzen groschin von eyner hufen, Nicklaus Obegow von eyner hufin söbenczehin groschin, Hans Webir eynenzwenzig groschin von eyner halben hufen, Nicklaus Andrey acht vnd vierzig groschin von der fryen hufen Keysers, Hans Andrey eynenzwenzig groschin von eyner halbin hufen vnd drittehalben groschin von dem gute, das eczwanne der von Waldow ist gewest, Flemmyng eynenzwenzig groschin von eyner halben hufen vnd nuen groschin von eyner andern halbin hufen, Michil Strüch sechstehalben groschin von eynem garthin, Nickel Strüch acht groschin von eyner halbin hufen vnd sechste halbin groschin von eynem garthin vnd Francze Schultheis vierdehalbin groschin von eyner halbin hufen; vnd die egenanten czinse pflegin vnd sullen die megenantin czinßluthe vnd alle ire nachkömelinge gebin czinsin vnd reichin alle jar ewiglichin von den vorbenümmten guteren vf sente Michels tag vnuorzögelich vnd sullen die antwertin in das vorgeschrebene clostir zcum heyligen Crützen eynem probiste adir czum Hayn, wo vnd wie er das wil gehad habin vnd im allir beque-

a) Kleinthiemig, Par. Skassa.